



Broj: 02/06-04-018903-8/23
Datum: 20.09.2023. godine

Na osnovu člana 70. stav 1) Zakona o javnim nabavkama („Sl. glasnik BiH“, br. 39/14 i 59/22), sekretar Ureda za zajedničke poslove kantonalnih organa, donosi:

ODLUKU o izboru najpovoljnijeg ponuđača

Član 1.

Prihvata se preporuka Komisije za javnu nabavku iz Zapisnika o ocjeni broj: 02/06-04-018903-7/23 od 19.09.2023. godine u postupku javne nabavke i isporuke lož ulja i okvirni sporazum će se zaključiti sa ponuđačem „Hifa-Petrol“ d.o.o. Sarajevo, ponuda broj: JN-3338/23 od 31.08.2023. godine po ponuđenoj cijeni u iznosu od **108.721,20 KM** bez PDV-a sa rokom isporuke od **1 dan**.

Član 2.

Okvirni sporazum će se dostaviti na potpis izabranom ponuđaču po proteku roka od 15 dana, računajući od dana od kada svi ponuđači budu obaviješteni o izboru, a zaključuje se na period od 24 mjeseca.

Član 3.

Ova odluka stupa na snagu danom donošenja.

Obrazloženje

Predmetni postupak javne nabavke i isporuke lož ulja pokrenut je Odlukom o pokretanju postupka nabavke broj: 02/06-04-018903/23 od 17.08.2023. godine, a proveden je putem otvorenog postupka. Kao kriterij je postavljena ekonomski najpovoljnija ponuda. Procijenjena vrijednost javne nabavke iznosila je 139.062,00 KM bez PDV-a, a obavještenje o nabavci broj: 1116-1-1-40-3-52/23 objavljeno je na Portalu javnih nabavki 21.08.2023. godine.

Komisija za javnu nabavku imenovana Rješenjem o imenovanju Komisije za javnu nabavku broj: 02/06-30-015631/23 od 11.05.2023. godine izvršila je otvaranje 4 blagovremeno pristigle ponude sljedećih ponuđača: „GREEN OIL“ d.o.o. Sarajevo, „HIFA-PETROL“ d.o.o. Sarajevo, „PETROL BIH OIL COMPANY“ d.o.o. Sarajevo i „ALMY“ d.o.o. Zenica dana 12.09.2023. godine, dok neblagovremenih ponuda nije bilo. Vrednovanjem svih pristiglih ponuda, Komisija je ustanovila da ponuda ponuđača „GREEN OIL“ d.o.o. Sarajevo ne ispunjava uslove postavljene tenderskom dokumentacijom iz razloga što je u ponudi kao dokaz za ispunjavanje tehničkih i profesionalnih sposobnosti dostavio

kopiju obrasca OPC i OPM broj: 26292/2023 izdatog od strane Federalnog ministarstva trgovine u kojem je naveden naziv firme: „GREEN OIL“ d.o.o. i naziv prodajnog mjesta (benzinske pumpe-crpke) adresa: Novo Sarajevo, Marka Marulića 4, 71000 Sarajevo, zatim u svrhu ispunjavanja tehničke i profesionalne sposobnosti, tačka 13.1. c) 2. tenderske dokumentacije, kojom je propisano dostavljanje „Uvjerenja o registraciji skladišta odnosno benzinske pumpe za prodaju lož ulja, izdato od strane UIO BiH“ dostavio Uvjerenje o registraciji skladišta ulja za loženje broj: 04/5-1/IV-17-13501-1-1/2011 od 14.3.2011. godine izdatog od strane Uprave za indirektno-neizravno oporezivanje BiH, Regionalni centar Sarajevo. Međutim, navedenim Uvjerenjem potvrđuje se da je po zahtjevu poreskog obveznika „GREEN OIL“ d.o.o. Sarajevo registrovano skladište za promet ulja za loženje koje se nalazi na adresi Goliješnica bb, 72230 Žepče, a Anexom II na mjestu za upis adrese skladišta, odnosno benzinske pumpe za prodaju lož ulja ponuđač je naveo adresu: Marka Marulića br. 4, 71000 Sarajevo. Imajući u vidu činjenice da ponuđač ima registrovano skladište na navedenoj adresi u mjestu Žepče, dok je dokaz za OPC i OPM sa adrese prodajnog mjesta Novo Sarajevo, isti nije dostavio dokaz sa mjesta registrovanog skladišta i postupio je suprotno zahtjevu iz člana 13.1 c) tačka 3. tenderske dokumentacije kojim je propisano sljedeće: „3. Obrazac o promjeni cijena i marži u maloprodaji (OPC) izdato od strane Federalnog ministarstva trgovine, koji je važeći na dan objave Obavještenja o nabavci i to za skladište odnosno benzinsku pumpu sa koje će se vršiti isporuka. Dokaz može biti original ili ovjerena kopija. Ponuđač je dužan odrediti tačno prodajno mjesto i adresu sa koje će vršiti isporuku po ponuđenoj cijeni, a na istu će primjenjivati popust ukoliko ga je naveo u ponudi...“.

Dakle, u zahtjevima tenderske dokumentacije ugovorni organ je jasno zahtijevao da se OPC obrazac dostavlja sa skladišta odnosno benzinske pumpe sa koje će se vršiti isporuka i da se ne mogu prihvatati dokazi suprotno onome što je definisano tenderskom dokumentacijom.

Shodno navedenom razlogu, ponuda je odbačena kao nepotpuna, jer ne ispunjava sve uslove i zahtjeve iz tenderske dokumentacije za predmetnu nabavku u smislu odredbe člana 68. stav (4) tačka i) Zakona o javnim nabavkama BiH „Sl. glasnik BiH“ broj: 39/14 i 59/22.

Daljim vrednovanjem ponuda, Komisija je dana 13.09.2023. godine uputila Zahtjev broj: 02/06-04-018903-5/23 za provjeru validnosti OPC Obrazaca, Federalnom ministarstvu trgovine, koji obuhvata provjeru validnosti dostavljenih OPC Obrazaca. Prema dostupnim podacima Federalnog ministarstva trgovine, a u skladu sa Uputstvom o načinu, sadržaju i rokovima dostave obavještenja o promjeni cijena i marži za određene proizvode i usluge («Službene novine Federacije BiH», broj 20/19), ustanovljeno je da su OPC i OPM obrasci broj: 25344/2023, 26292/2023, 12752/2023 i 13196/2023 na koje se odnosio upit, važeći na dan 21.08.2023.godine, odnosno na dan objave Obavještenja o nabavci.

Pored toga, Komisija je uputila Zahtjev broj: 02/6-04-018903-6/23 od 14.09.2023. godine za pojašnjenje dokumentacije ponuđaču „HIFA-PETROL“ d.o.o. Sarajevo, koji se odnosi na pojašnjenje ovlaštenja punomoćnika Amela Sirovine, notarske Generalne punomoći broj: OPU-IP: 834/2021 od 28.06.2021. godine, a koja se odnosi na pojašnjenje definisanja pojmova, te pojašnjenja ovlaštenja punomoćnika za potpisivanje Izjava iz člana 45. i 52, koje su sastavni dio ponude.

Dana 18.09.2023. godine, od ponuđača „HIFA PETROL“ d.o.o. Sarajevo je dobijeno Pojašnjenje dokumentacije, kojim se potvrđuje ovlaštenje punomoćnika za potpisivanje cjelokupne dokumentacije, koja je sastavni ponude ponuđača, koju je ovjerio Zamjenik direktora, odnosno koji je dao punomoćniku ovlaštenje shodno navedenoj Generalnoj punomoći. Komisija je prihvatila pojašnjenje dokumentacije od strane ponuđača „HIFA-PETROL“ d.o.o. Sarajevo.

Nakon svih izvršenih provjera i konstatacije da su ponude ponuđača „HIFA-PETROL“ d.o.o. Sarajevo, „PETROL BIH OIL COMPANY“ d.o.o. Sarajevo i „ALMY“ d.o.o. Zenica kvalifikovane i da ispunjavaju sve uslove postavljene tenderskom dokumentacijom, te izvršenim izračunom cijena i rokova isporuke kao kriterijima za izbor, sačinjena je rang lista:

Redni broj	Naziv ponuđača	Bodovi po osnovu cijene	Bodovi po osnovu roka isporuke	Ukupan broj bodova
1.	„HIFA-PETROL“ d.o.o. Sarajevo	90	10	100
2.	„ALMY“ d.o.o. Zenica	77,07	10	87,07
3.	„PETROL BH Oil Company“ d.o.o. Sarajevo	72,09	10	82,09

Komisija je ugovornom organu dala preporuku da se kao najpovoljniji ponuđač izabere „HIFA-PETROL“ d.o.o. Sarajevo.

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa zakonskim i podzakonskim aktima, tenderskom dokumentacijom, a da je ponuda ponuđača: „GREEN OIL“ d.o.o Sarajevo odbačena kao nepotpuna u skladu sa članom 68. stav (4) tačka i) ZJN, jer nije ispunjavala sve uslove i zahtjeve iz tenderske dokumentacije za predmetnu nabavku.

Ugovorni organ će izvršiti dodjelu okvirnog sporazuma ponuđaču „HIFA-PETROL“ d.o.o. Sarajevo koja je ocijenjena kao najpovoljnija sa datom ponudom u skladu sa postavljenim kriterijem, kao što je odlučeno u članu 1. dispozitiva ove Odluke.

POUKA O PRAVNOM LIJEKU:

Protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke. Žalba se podnosi u pisanoj formi direktno ili preporučenom poštanskom pošiljkom i to u najmanje tri primjerka.



SEKRETAR

Zdenka Marijanović
Zdenka Marijanović, dipl. pravnik

Dostaviti:

1. „GREEN OIL“ d.o.o. Sarajevo,
2. „PETROL BH Oil Company“ d.o.o. Sarajevo,
3. „HIFA- PETROL“ d.o.o. Sarajevo,
4. „ALMY“ d.o.o Zenica i
5. a/a